

JA NØKY MIDI JA PABLO TYANĠGAJX JA FILIPENSĪT JAA'Y

Ku ja Pablo jap puxøjkjøtpy
tnijayi pøn tjanchja'widip ja
nwindson'ajtim Jesucristo
yja' jam Filipos kajpxkøjxp

1 Pablo jøts ja Timoteo, øøts
nwindson'ajtim Jesucristo
nwindson'ajtpy. İxyamts meets ja
nøky tu'uk ndanijayi niwine'en ja
Dios Teety mja'atyidi jam Filipos
kajpjotp, møøt ja windsøndøjkti
jøts ja møjaa'dyøjkti, niduki'iyi
wine'en møøt m'etti ja Jesucristo.
²Paatti kupøkti ja Dios Teety
jøts ja nwindson'ajtim Jesucristo
kyunuu'kxin jøts ja yjotkujk'ajtin.

**Ku ja Pablo tni'amidowi
tnibøktsowi ja janchja'wibitøjkti**

³Ejtp øts ja Dios Teety ndukmøjawi
øy mee winaaak ojk nja'myech. ⁴Ku
øts Dios n'ajot'aty amumjoojt øts
ja Dios n'amidøy nbøktsøy jøts ja
mbudøkiyidit; ⁵pø tu'ugyixi adøm ja
winmaa'n İxyambaat nyikyø'øyindi
midi ja Dios yja'ajip, nayide'en sa ja
xpadøjkyi'okwandøø. ⁶Øts wamp
jøts ku ja Dios Teety tyikmiweni
tyikaja'i y'adø'tst ja myøk'ajtin midi
ja tøm dukpadso'onda'agyidi, kunim
mye'ent jadigojk ja nwindson'ajtim

Jesucristo. ⁷Øwyinmaapy øts idø'on
ja'agøjxp ku njanchokti jøts ku nay
ja Dios kyunuu'kxin x'adsinaajyidi.
Nitanibyim øts ja yja' jøts wa'ambyim
øts jøts ku ja tyiyi yjanchi, øy
øts ja tøm njadyimyjagupuxøjktøki
uk øy øts wyinatya ja
kudunktøjk ja windsøndøjk
njadyimyjawinguwa'agidi. ⁸Pø Diosxi
tnija'wip wine'en mee njanchøky
nayide'en sa nwindson'ajtim Jesús
xtsøjkyim. ⁹Jade'en øts idø'on
n'amidøy nbøktsøy ja Dios jøts ku
øy tsuj mnamyayidit ku ja tyiiby
xwinma'adyit, jøts ku ja ja'gyukin
xjagyaptit øy juuni. ¹⁰Ku jade'en
xnijawidit jøts xpadu'undit midi
øy midi tsuj, jade'ents xjagyaptit
m'anmija'win øy wa'ats jøts niti
pøky mgapaadiyidit ku mye'ent ja
Cristo. ¹¹Øy wa'ats wyimbidsø'ømdit
ja mdunk midi ja nwindson'ajtim
mdamidundip, jøts ja yjade'embi
idø'on ja Dios wyindsø'jkinja'wip ja
yjade'embi idø'on ja myøja'wip.

**Ja Cristo øts xjagyajp
amuum jøts ja' øts amuum
xyikjuky'ajtp øy yjuuni'att**

¹²Migu'uktøjk, nimadowdi
meets, øy øts idø'on yjawi njemjaty

ndejaty, ne'egi nabyudøki ja yjawi tø t'ukpatni, jinaxy ø ne'egi ngajpxwa'kxi ja Dios kyajpxy ja y'ayuujk. ¹³Tyumnija'widip ja tøjka'adinaabyi ja'adi, jøts nayide'en øy pøn, ku øts ja' nyiktagudsumi ku øts ja nwindson'ajtim yja' nyikø'øyi. ¹⁴Jøts ku jade'en tø t'ejxti tnijawidi adøm ja nmigu'uk pøn ya'ajttip jøts ku øts yajp tsumy n'ity, ne'egi jinaxy ja tø yjotmøkt'a'akti jøts ja jade'en tkajpxwa'kxidi ja Dios kyajpxy ja y'ayuujk.

¹⁵Jats ya pøn øy'ajtin tsuj'ajtingøjxp tkajpxwa'kxtip ja Cristo yja', jats nayide'en pøn winaagin nugo tsepkojxp ta'ajkingøjxp ttundip, ¹⁶jøts ja kyø'øm ja' tyikmøjtøkidi, jøts ja ja'ayi nugo xjaaktsepnipøkwa'andi ku øts yap puxøjkjøtpy; ¹⁷pønts ttundip y'øwyinmaa'ngyøjxp, ja'agøjxp ja jade'en ttundi ku øts ja xpa'ayowdi, pø ñija'widipxi jøts ku ø nyam'aty, ku øts møk ja Dios yja' nyikyø'øyi. ¹⁸Jøts ÷tiku øts nugo ndyimy'aty ndyimdyajt? Wan pøn tyikyø'øyi y'øwyinmaa'ngyøjxp uk kya'øwyinmaa'ngyøjxp, pø nugo tum ja Cristo yja' tkajpxwa'jkkxidi; yø' ø ndajotkujk'ajtpy.

Jøts jaaktyimxyonda'akp øts yikxon, ¹⁹pø nnija'wipxi øts ku øts ya'at ayo'on tuki'iyi nmimadaøkøxt, ja'agøjxp ku meets ja Dios x'ajot'aty jøts meets xni'amidowi xnibøktsowi jøts ku øts nayide'en xpudøki ja Espíritu Santo. ²⁰Ja'ats ø njøp'ijxpy jøts øts ja ka' ndatsø'odyu'unt, tu'uk amumjoojt øts ja ngajpxit ja yja'. Ixyam idø'øn pyaat'aty yjaaktyimñigaxø'økt yikxon ja Cristo myø'ajtin midi ø nyiktumpy,

njajujky'aty øts uk nja'øøky njadigøy øts, ka' øts ja nwandijy.

²¹Pø ja Cristoxi øts amuum xjagyajp, ja'ats ø nmøk'ajtpy. Nja'øøky øts, jinaxy øts ja øy xwimbidsø'ømxit.

²²Pøni jaakjujky'ajtpøts øts ya, nay'øy'ajtpøts ja nayide'en, jøts øts ja Dios yja' njaakyikyø'øyt, jade'ents ø ka'ap nnijawi pø midi'ibi.

²³Tum jade'en tum øy, midi'ibi øts ngupøkp ngagupøkp: ne'egi jadyimyja'ats'ookwamp øts, jøts øts ja Cristo xemikøjxp nmøøt'ejtnit, ne'egi jadyimyja'øy'ajtp ja jade'en; ²⁴jadu'ukts ja winmaa'nmyi, ne'egi jinaxy yjawi chøkyi jøts meets ka'ap jade'eñi nmajtstu'utt, jaakjujky'ajtp øts. ²⁵Patyts ø nwa'añ jøts ku mee njaakmøøtja'ajtp jøts njaakpudøkidit jøts xajotkujk'attit ku tu'ugyi janchja'wingøjxp xyikmiwenidit xyikajajidit ja Dios yja'. ²⁶Jade'ents meets njaakminabyaādīt ja nwindson'ajtim Jesucristo kyunuu'kxingøjxp amuum.

²⁷Yø' mjadyimy'ejxtip yø mdsinaa'yin, jade'en xu'undit sa ja nwindson'ajtim yja' wya'añ. Øy meets jam nja'ats'ixy kø'øm, uk øy øts jadyimyjamā jagam, ja' ø ndsøjkpy jøts øts ejtp nnijawit jøts ku meets ni'amuki mnabyudøkiyidi, tu'ugyi ja mwinmaa'ñ xyik'etti, xem yam ni'ijtyi xniwinmayidi janchja'wingøjxp sa y'øyt sa tyuda'akt ja Dios y'øyajpxy ja y'øy'ayuujk. ²⁸Ni xkatsø'ogidit pøn ja mdamidsep'ajtidip. Wa'ats yiknijawidi jøts ku ja windigøy yjattit; jøts meets, ja nitso'ok'ajtin mee mbaatp midi ja Dios yajkpy. ²⁹N'øyja'windip ku nwindson'ajtim njanchja'windi, jøts nayide'en

ku ngu'ayo'ombaajtindi. ³⁰Nay ja' ayo'on mbaattip midí ø tø nbaaty. Tu'ugyi yø tum jade'en n'adsinaa'yindi jøts mnija'widipts sa øts icyam n'ayo'ombat'adi'ich.

Ku Cristo yik'ayowim
yjaty jøts ku tyik'awa'añ ja
myøk'ajtin sam ka'ap pøn

2 Jøts pøni myikjotmøktaajkidip ja Cristo, pøni mdajotkujk'ajtidip ja y'ayo'ejxin, pøni jap ja Espiritu Santo xmøødiyidi, pøni mnija'widip sa ja chojkin sa ja pya'ayo'owin, ²yikxondaktik øts ku yikxon mdsøonidi mdanidi, tu'ugyi tum jade'en mnamyayidi ni'amuki jøts tu'ugyi mwinmaydi. ³Kidi ti xundi mgø'ømwinmaa'ngyøjxp uk xyiktundi ja namyikaxi; yø' øy, ku tudā'aky jøts møj'ejxti ja mmigu'uk. ⁴Kidi ja ngø'ømja'ajip nugo ndyimyikmøjtøjka'am, pø ja'axi tsojkip sudso ja nmigu'uk nbudøjka'am.

⁵Yikyø'ødyi ja winmaa'ñ nayide'en sa ja nwindson'ajtim Jesucristo. ⁶Øy ja wyinaty amuum ja Dios'ajtin tjajagyepy, ka'ap ja wya'añ jøts ja kuwani tyimāyide'en tmi'abaaty ja Dios Teety. ⁷Ojts ja kø'øm tjibiky midí ja wyinaty amuum yja'ajtpy jøts ja jade'en ñabyikta'agyí sa øy pøn tumbi ku ja ya ñaxwiin'ajty. ⁸Jøts ku ja jade'en jaa'yin myiñ, ojts ja tkupiky'aty ku ja yjemjaty tyejaty. Ejtp øy tpaduñ jabaat ku ja yø'jky, øy tsaach'ijxyim ja o'jkin jyayikmøø jam kruskøjxp. ⁹Ja'agøjxp ja Dios Teety ja ojts myøjawi y jøts ja yikmøjtøjkiyøø,

ka'ap pøn myi'abaadyi øy yjapøni, ¹⁰ku pøn myadobaadit ja nwindson'ajtim øy madsoo, nagyuxendyakøxidip ja ni'ljtyi, ¹¹jøts ja niduki'iyi t'ejxkaptit jøts ja wya'andit jøts ku ja' wyindsoni ja Jesucristo, tum Dios y'øy'ajtingøjxp.

Sam ja jaj sam ja tøø'kxpi jade'en
ja jaa'dyi pøn ja Dios ja'ajtidip

¹²Migu'uktøjkti, nayide'en ndsøky jinaxy xmimado'odit øy øts yam jagam, sam ø xmimadowdi ejtp ku meets jam y'ljty møøt ndsøøni. Windsø'øgi ja Dios, tudā'aky mnabyikta'agidit, jotmay'atti sudso ja nitsoojkin xpaattit. ¹³Ku ja tsojkin xjagyapti jøts mdunwa'andi, ja Dios jade'en myikwinmaajyidip, jøts nay ja' mbudøkiyidip ku ja xundi jade'en sa ja Dios mdamidsokyidi øy tsuj.

¹⁴Ejtni xoni tuki'iyi xu'undit, kidi amikajpxy xpøkti, ¹⁵jøts ka'ap pøn mbøky'ejxidit, ja' myik'awa'andip jøts ku Dios m'u'nk'atyidi, øy wa'ats mjaa'y'attit ma ja ka'øy jaa'dyi ma ja kawindiy jaa'dyi. Jade'en meets jam mgaxø'økt sam ja xøøw tkujajy tkudi'ikxy ma koots, ¹⁶jade'en'ampy ku ja Dios ja kyajpxy ja y'ayuujk xyikyø'øyidit. Jøts ku ja Cristo mye'ent jadigojk, møk mee ndaxonda'akt ku ø nnijawit ku ø ka' nugo tø ñiyikyø'øyi ja Dios yja', ka' ø nugo ja ndunk ñiwindigøy. ¹⁷Øy øts yø pøn xjaduku'oogi, ja' ñamyayi ka'pxp ja windsø'jkin midí ja Dios y'lity mmøødyip ku ja xjanchjawidi. Xondaqk øts jade'en, niduki'iyi nxondaajkindit. ¹⁸Jotkujk'at mee nayide'en, ja'agøjxp ku øts nayide'en njotkujk'aty.

**Yikajxtip ja Timoteo
møot ja Epafrodito**

¹⁹Pøni wamp ja nwindson'ajtim Jesús, ngaxp øts tsojk ja Timoteo jøts ja m'ats'ejxidit jøts ø n jotkujk'att ku ja tmime'ent ja kajpxy ja ayuujk sa meets jam. ²⁰Pø ka'axi jadu'uk pøn nayide'en wyinmay sam ø nwinmayin, sam mee n jotmay'atyin jøts ja øy'ajtin xpaattit; ²¹tum kø'øm winmaa'nxi pøngapøn yiktundip jøts ka'ap ja nwindson'ajtim Jesucristo yja' t'uktunk'ajtniyidi. ²²Tøts xnijawidi sa Timoteo øy tyuñ, sa øts ja møot ja Dios kyajpxy ja y'ayuujk ngajpxwa'kxiyi, jade'en øts ja xpudøki sam ja jaa'y ja y'u'nk pyudøkiyi. ²³Jade'ents ø nwinmay pøni sa øts yø nja' y'ukwin'øyi ngaxpts øts ja' jøts m'ats'ejxidit; ²⁴n'ajot'ajtpy øts Dios jøts meets kø'øm tsojk n'ats'ext. ²⁵Paat'ajtipts yjawi nayide'en ndanigaxit ja Epafrodito, ja nmigu'uk, pøn øts amuum møot nduñ, pøn meets ojts xaniguexy jøts øts ja xpudøkit ku ti jaty y'ity kya'ity. ²⁶Mjanch'ejxwajnidip ja' niwine'en mjam'atti, jøts mjanchjotmay'atyidi ja'agøjxp ku tø xnijawidi jøts ku y'ity pyikyiyi. ²⁷Tøts ja yjanch'atspikyiyi, jawaani ja tø kya'øøky; tøts ja Dios y'ayo'ijxyi jøts øøts ja tø xpudøki jøts ø nayide'en kyajinaxt ja n jotmay, ti øts yam ndaxømpy. ²⁸Ja'agøjxp meets ja ndyimdyanigaxwa'añ jøts xaxonda'aktit ku jadigojk xpaattit x'ejxtit jøts øts jade'en ka' nugo ndyimyjotmay'ookt. ²⁹Taxonda'akti

ku ja jam yja'att. Jade'en pyaat'atyi tu'ugyi ja Dios xjagyejpxindi pøn jaty nayide'en tpadundip sam ja Epafrodito, minamyayidi yikxon; ³⁰jawaani tø kya'øøky ku tmiduñ ja Cristo. Tø tmiwanjaty yik'ayowim ku øts ja pudøjkin xmø'øy, jøts meets ja ñamyayi mgudaniyi øy mee mgaya'aty.

Ja tsinaa'yin midi tiy janch

3 Migu'uktøjk, tajotkujk'ajtidi ja Dios kyunuu'kxin. Ka' øts n'adsepjawi øy øts yam jadigojk nja'at nay yø', tø ø nnijawi jøts ku meets yø xyiktu'unt. ²Øyim mnay'ejx'etidit, jam ja jaa'y pøn ja wenk winmaa'n tyikyø'odyip, pøn ttundip ja ka'øybi, ja' pøn tta'ødyøkiwyandip ja Dios ku ja ttsuki ñe'kx jøts ja ejxpajt jade'en ñabyiktaajkxiyidi. ³Jade'en ne'egi tpaaty, adøm idø'on nmøot'ajtyindip ja ejxpajt ja'agøjxp ku adøm ja yja' tu'ugyi nyikmøjtøjka'andi, jøts ku ja Cristo Jesús ndaxondaajkyindi, jøts ka'ap nmi'agijxyindi nmijotkijxyindi ja'ayi midi kaxø'kp iiy ja'ayi nikijxy. ⁴Wa'ambimts øts inet jøts ku ja nayide'en y'øyi ku jade'en ja nachuki ñaxy kostumbri køjxp. Jawaani ka'pxy øts ja ne'egi ndyimñijawi ja'abi tsinaa'yin; ⁵ku ngue'ljxy kyiduktujk xøøw øts ojts ja ejxpajt nyiktu'unxi, israelit jaa'yxi øts; ja Benjamín øts ndeety'amøjip, jøts hebreit etjotp ø ngue'exy, jøts nay jam øts ndeety ndaak choondi. Fariseotøjk øts y'ijty møot nnamyayi, nay ja Moisés øts y'ijty nbaduujnip ja kyutujk; ⁶møk øts ja nnitani, jantyimdyøøp øts ja

njawí, jòts òts ja jaa'y nbawidetti ndagumatsiwyaa'andi pòn jaty ja Cristo tjanchja'widip. Ka' òts y'ljity pòn ja kutujk xawindsò'oy sa ja tyikutuky, nadyijyi tniagajpxy midil'ibi òy midil'ibi tòop. ⁷Midil'its òts y'ljity jade'en nmòja'wip, jade'en òts yò ixyam nja'wiñi jòts ku ka' ma tyuñ, ja'agòjxp ku òts ja nwindson'ajtim Jesucristo tò nnija'wiyi ja pya'ayo'owin. ⁸Jòts pòni ti òts ja njaak'òyja'wip, tum kudigòopy òts njawi, ma t'ukmi'abaat ku ja nwindson'ajtim Jesucristo nnija'want. Ja'agòjxp òts tuki'iyi tò n'ixmajtskixy, aayin pista'agin ja tuki'iyi ñòjkkòjxni, ja'ayi òts tu'ugyi njòp'ijxpy ja Cristo ⁹jòts òts ja mòot n'lett, kaja'agòjxpip ku òts ja kutujk ka'pxy nbaduñ, jade'en'ampy ku òts ja nwindson'ajtim Jesucristo tyiy'ajtin njanchja'wiyi jòts òts ja Dios Teety jade'en tò xkupiky. Ja'ats ja Dios kyupijky pòn ja janchja'wiyip. ¹⁰Ja' ò ndsòjky jòts òts yikxon ndyimñijawit sa ja nwindson'ajtim tyiy'ajtin jòts òts ja myòk'ajtin ja xmo'ot midil'ibi ja yjagyeypy ku ja ojts tmimajada'aky ja o'jkin ku yjukpyijky xemikòjxp, nja'ayòy ò nayide'en, uk njadyimya'òòky ò nayide'en sa ja y'ò'jky, ¹¹jòts òts jade'en njòp'ext ja jujkpyòjkin nayide'en sam ja yjukpyijky.

**Ja' njotmay'ajtim sudso
nbaajtin ja òy'ajtin**

¹²Ka' nwa'añ jòts ku òts jade'en tuki'iyi ngòjò'òmit'ajtni, uk ka' nwa'añ jòts ku òts tyimwya'atsni tyim'yòyni; tu'ugyits òts ja nbanòjkk'adi'ich, jòts njòp'ijxpy

òts ja nbaatt midil'ibi òts ja nwindson'ajtim Jesucristo tò xaniwaadsowi patki'iyi. ¹³Ka' òts migu'uk nwa'añ, jòts ku òts ja jade'en tò ndyimbyatkixy tuki'iyi; nja'dyigòogyijxpy òts ixyam sa jaty ò tò njaty ngubety ti jaty tò tyuñ, ja' ò ndumpy jòts òts ja njotmay'aty midil'ibi mempnim kidakpnim, ¹⁴jòts nja'jtint ma pyaat'atyì ma yjòpkixy jòts ja Dios ja y'òy'ajtin xukpaajtin jap tsajpjòtpy midil'ibi ja xaniwaadsow'wa'amp, jòts adòm ja nyikmò'òyint ja'agòjxp ku ja Cristo mòot n'ljityindi.

¹⁵Wine'en ja Dios mòk njanchja'wa'andi, paat'ajtin jòts jade'en tu'ugyi nwinmaa'yindit. Pòni sats pòn wyinmay, jam pòn ja wenk winmaa'ñ tpaaty, nay ja Diost ja tuknijawiyip midil'ibi tòop. ¹⁶Tu'ugyits yò winmaa'ñ nbòjkindit, jòts yò' idò'on nyiktu'unindip amuum sam adòm yò tò nnija'wa'ant.

¹⁷Pa'ejxtik òts, migu'uktòjk, jòts ejxti nayide'en pòn nay yò'òbi tyiktundip midil'ibi mee tò nda'ane'emey. ¹⁸Jaa may pòn ja nwindson'ajtim Jesucristo yja' tkamòjawiðip jòts ja wyinmaa'ñ ja' yiktundip jòts jade'en chòonidi. Tò meets yò kawinaak ojk ndukmadòy, ixyats òts jadigòjk yik'ayowim nnigajpxkojmi. ¹⁹Ka'ap ja wyindò'òdit, windigòy ja nòjkk yjatti. Ja kyò'òmwinnaa'ñ sa kò'òmm ttsokti, ja' yikmòjtòjkidip, ja' ñamyayi dios'ajttip. Ne'egi jinaxy ja ñadyamikexyidi midil'ibik idò'on ja yjawi tyatsò'òdyu'undip, ja' nugo yjotmay'ajttip sa jaty ti jaty ya naxwiñ. ²⁰Ja' adòm

amuum xkøjø'ømit'ajtindip
 jap tsajpjøtpy, jøts ja' adøm
 njøp'ijxyindip jøts ku ja jap choont
 ja nwindson'ajtim Jesucristo pøn ja
 pøky ttuknitso'ok'ajtp. ²¹Ja' adøm
 xyikwimbejtindip xyiktigajtsindip
 jøts nayide'en njajtint sam ja kø'øm
 amuum ja kunuu'kxy'ajtin tmøødi,
 jøts nay ja myøk'ajtin ja jade'en
 yik'awampy ku jade'en xu'unin, pø
 ja'axi tuki'iyi tnitanaagyøjxp øy ti.

Xondakunaxti ku Dios xjagejpyindi

4 Njantyimyja'ats'ejxwand
 ip mee migu'uktøjk, mee
 ndajotkujk'ajtpy, meets jam Dios
 wyingujk ndamajada'akp, jøts
 tu'ugyi jaaktyimy'ajot'atti ja Dios.

²Ngajpxñigajxidip øts ja Evodia
 jøts ja Síntique jøts ø møk nnøjmi,
 wan tnayja'gyukiyidi tkajpx'øyidi
 ti ka'ø'xyidip jøts tu'ugyi ja
 Dios yja' tyikyø'øyidit, pø tum
 ja'axi køjø'ømit'ajtidip. ³Mets
 migu'uk, pudøki yø Evodia møøt ja
 Síntique, ja' øts ojts ngajpxwa'kxi
 ja Dios kyajpxy ja y'ayuujk møøt ja
 Clemente jøts møøt jadu'ukti pøn
 jaty øts ojts xmøøtundi. Wa'ats ja
 Dios ja ñijawiyidi pøn jaty ti jaty ja
 xyøøwdi.

⁴Ejtp ja Dios yja' xaxondaajkidit.
 iNjaaktyimñigajpxpy øts yikxon
 jøts mxonda'aktit! ⁵Wan øy pøn
 mnijawiyidi jøts ku mee tuda'aky
 mjaa'y'aty. Ja'myats'etti ku tsojk ja
 nwindson'ajtim myenit.

⁶Kidi ti x'ayo'onjawidi,
 tukmadowdi ne'egi ja Dios ku
 ja x'ajot'attit; ja' m'amido'odip
 mbøktso'odip ti mga'ejtxidip, jøts
 tukmøjawidi tukunuu'kxyjawidi
 ku wyinaty myikmo'odi mididi

m'amidoodip. ⁷Jøts ja mmo'ojidit
 ja y'øy'ajtin ja tuda'aky'ajtin
 midi ka'ap ti tmi'abaaty sa
 adøm njaniwinmaa'yam; ja'ats
 tyikjotkujk'atp ja mwinmaa'ndyi
 jøts ja m'anmija'windi jøts ku ja
 nwindson'ajtim Jesucristo møøt
 m'etti.

Ja' mwinma'adyip mididi øy

⁸Yø', migu'uktøjk, mjotmay'attip
 mididi tiy mididi janch, mididi
 xpaat'ajtidip, mididi øy pidsømp,
 mididi wa'ats, mididi tsøkyim, mididi
 øy agajpxy pidsømp o madsoo.
 Tum ja y'øybi mwinma'adyip mididi
 øñigajpxni øñimadyakni.

⁹Yiktundi mididi tø nduk'ixpøkti,
 sa jaty tø n'ana'amdi, jade'en
 xu'undit sa øts ojts nwa'añ jøts sa
 øts ojts kø'øm x'ejxti ku øts ja ojts
 nduñ: tundits jade'en, winets ja
 Dios nijuuni mga'ixmatsidit, ejtp ja
 yjotkujk'ajtin ja mmøøgyunaxiyidit.

**Ku ja filipensit jaa'y
 tmay'atti ja Pablo**

¹⁰Xyikxondaqk øts ja Dios jøts
 ku meets jadigojk xja'myech.
 Kidi jade'enip ø ndijy jøts ku
 meets tø xtyimyja'dyigøøñi, ja
 ku ka' ñibidsømi juuni mee
 xpudøkit. ¹¹Ni ka'ap ø nwa'añ
 jøts ku øts yam sa ndyimyjaty. Tø
 øts yø n'ejxandigøøñi. Yø'øyi ø
 ndajotkujk'ajtpy mididi nmøøt'ajtpy.
¹²Wa'ats ø nnijawi sa yik'ayowim
 nyiknajxint, jøts nayide'en sa
 ngumeen'ajtin. Tø øts yø nyikyuyj
 jøts øts øy mididi ngawingudsø'ogit,
 øy ø ngay øy ø ngakay, uk øy
 ti y'ity kya'ity. ¹³Øy ø mididi
 nwinguwa'agi, ja nwindson'ajtim

Jesucristo nmøk'ajtpy, ja' ø xkuwamp. ¹⁴Øy'ajtpsts ku meets ja n'ayo'on nayide'en mnadyapaadyidi jøts øts jade'en xpudøkidi.

¹⁵Mnayinija'widipts wine'en jam Filipo kajpxkøjx mgugajp'atti, ku øts ja Dios kyajpxy ja y'ayuujk ojts ngajpxwa'kx'okwajni, ku øts ojts nnijkxy jam Macedonia kajpkøjxp, pø meeçhixi ojts xaniguexy ja pudøjkin midi ja Dios mdamiyojxtip ja'agøjxp ku ja wyinaty ja myøk'ajtin tø xpaajtiyidi. ¹⁶Jøts ku øts jam wyinaty Tesalónica kajpkøjxp, nayi meetsxi ojts xaniguexy ja meen majtsk ojk, jøts øts ja nyiktu'unt ti jaty ø ka'ejtxip. ¹⁷Kayø'øjip ø nugo njotmay'ajtpy jøts øts ja nugo n'axajit øy ti; ja' ø ndsøjkpy jøts meets yjaakniptt ja mja' jam Dios wyingujkp. ¹⁸Tits ø kayikmøøpy, ne'egi o ti tø nyikmø'øpy. Tyimchaachjam yø kajaa midi yø Epafrodito tø xamigaxidi. Jøts jade'en ja Dios yø tjawi kunuu'kxy, sa ja poom pya'akxuuky, ja windsø'jkin yø ñamyayi yikmøøpy.

¹⁹Ja Dios pøn xjagyajpindip, ja' mmo'ojidip, ja' tyikwimbetp tyiktigatsp pøni ti mga'ejtxidip. Ja nwindson'ajtim Jesucristo møøt ja Dios Teety, ja' tjagyajptip ja kunuu'kxin ja jotkujk'ajtin midi niijuuni niwindem kagudigøøpy. ²⁰iXemikøjx Dios Teety møj janch ja kunuu'kxin tjagyepy! Jade'en idø'on ja yjatt.

Ku kyajpx'abaadiwya'añ jøts ja kajpxpoo'kxin t'ukyajkni

²¹Nguejpxy øts ja kajpxpoo'kxin nwindson'ajtim Jesucristo køjxp jøts xukmado'odit niduki'iyi pøn jaty ja Dios jagyajpidip. Nayi kyajxmidi ja kajpxpoo'kxin ja'adi pøn jaty øts yam nmøøtti. ²²Niduki'iyi pøn ja Dios ja'ajtidip ya, jøts ja'adi pøn namyajyidip ma ja romanit windsøn ja tyøjk, nayi mdanigajxidip ja kajpxpoo'kxin ja'adi.

²³Ja nwindson'ajtim Jesucristo mgunuu'kxidip niduki'iyi. Tiigyajpxy idø'on, jade'en idø'on ja yjatt.